



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

LP
45
235

Sp 45. 235.
Eichstaedt, H. C. A. Pro-
positi aliquot locorum
familiaris expositio
Senae 1777



©

Lp 45. 235

A D
AVDIENDAM ORATIONEM
Q V A
M E M O R I A
A V G V S T A N Æ C O N F E S S I O N I S

E X L E G E
B E N E F I C I I L Y N C K E R I A N I

DIE XXX MAII HORA XI
I N
T E M P L O P A V L L I N O A C A D E M I C O
R E N O V A B I T V R
P R O C E R E S V T R I V S Q V E C I V I T A T I S D O C T O R E S Q V E
E T C I V E S A C A D E M I C O S
I N V I T A T

H E N R I C V S C A R O L V S A B R. E I C H S T A D I V S

T H E O L. D. E L O Q V. P O E S. E T A N T I Q Q. L I T T. P R O F. P. O.
A C A D E M I A E S E N I O R.

I N E S T
P R O P E R T H A L I Q V O T L O C O R V M
F A M I L I A R I S E X P O S I T I O.

I E N A E
E X O F F I C I N A B R A N I A N A
M D C C C X X V. _

Lp 45.235

Rec'd Jan 1. 1945
From the Lloyd's, 1942

Familiaris expositio, sic enim inscripsi hunc libellum, quo sensu dicatur, non temere quaeret, qui vel Muretina in Terentium, Catullum, Tibullum et Propertium vel Wolfiana in Platonis Phaedonem et Ciceronis de natura deorum libros scholia meminerit: sed cur ita inscripserim, paucis explicandum est. Tractavi enim per hiemem proxime superiorem Propertium in scholis Seminarii philologici: quae quatenus in interpretandis veterum scriptis versantur, ita solent a me institui, ut non tantum quae prolata sunt ab eo, ad quem munus interpretandi rediit, primum censere sodales iubeam, deinde ipse addita epicrisi censeam, sed ut subinde etiam de locis, qui difficultate aliqua laborant, quaestiones moveam, easque dato ad deliberandum tridui quadri-
duive spatio, disceptandas iuvenibus atque diiudicandas committam. Haec enim ratio, quae Grammaticorum veterum ἀπορήματα et λύσεις sed liberalius atque utilius imitatur, una mihi videtur potissima, scholas practicas, quas hodie vocant et tanto opere commendant, sic applicandi ad studia philologica, ut et discrepent ab exilitate scholasticarum exercitationum, et examinum fastidia devitent, et academiarum consilio ac dignitati conveniant. Examinum enim in academiis male auspicatum vocabulum est, incognitum hac quidem significatione et inauditum veteribus, qui ab ipsa quoque re ingenio et moribus suis vehementer abhorrebant. Quapropter Wolfius, quotiescumque novae scholas ordiebatur, ita praefari solebat, perverse studere eos, qui examini-
bus studeant; recte studere, qui sibi et vitae. Sunt autem illae, quas dixi, difficultates fere ex critico genere, oriundae ex depravationibus librariorum, quas, quemadmodum vere iudicavit Ruhnkenius, reperire interdum plus negotii facessit, quam repertas tollere, praesertim ubi mendosa scriptura tolerabilem neque abs re abhorrentem sensum efficit. Talia quum satis sit eruditis obiter monstrare in notis, quae typis excubuntur, et emendationes breviter proferre: in scholis practicis lentiore gradu procedendum est, ac saepe per anfractus quae-
renda via, quae ad verum inveniendum ducere videatur. Ac si verum non inveneris, tamen, ubi iusta investigandi ratio adhibetur, qua singula momenta

— 4 —

diligenter, accurate et perspicue ponderantur, ad eamque velut amissim doctorum coniecturae et interpretationes exiguntur, satis valet haec *πρᾶξις* ad consequendum id, quod volumus, ut impellantur exacuunturque ingenia adolescentium, factique in studiis progressus explorentur. Harum igitur exercitatorum, quas in scholis agitavimus, aliquot specimina proponere hoc libello, quo scholarum nostrarum ratio intelligatur, his temporibus consentaneum existimavi.

Lib. I. Eleg. IV.

Argumentum huius carminis bene declaravit praeceptor quondam meus in schola Portensi, de iuvenilibus studiis meis unus omnium optime meritus, Frid. Gottl. Barthius: „Propertius (ait) Bassum obiurgat, quod se a Cynthiae amore conetur abducere; simul frustraneum hunc esse conatum monet propter summas Cynthiae virtutes, quibus ei nulla sit similis.“ In his virtutibus primum *formam* puellae, deinde *maiora* quaedam recenset.

V. 11—14.

Haec sed forma mei pars est extrema furoris;

Sunt maiora, quibus, Basse, perire iuvat.

Ingenuus color, et multis decus artibus, et quae

Gaudia sub tacita ducere veste libet.

Parti extremae furoris, h. e. ultimae ideoque minimae vehementis amoris, quam in *forma* dicit politam esse, apertum est opponi *maiora*, quibus *perire* adeo iuvet. In his autem enumerat *ingenuum colorem*. Sed is minor potius formam censendus est, nisi ad ipsam formam pertinet. Ac pertinet haud dubie. Nam paullo ante (v. 7) Propertius ex *formosi temporis aetate* exempla puellarum, quae omnino ob pulcritudinem essent celebratae, sic attulerat, ut colorem a forma non distingueret. Accedit, quod *color* h. l. non satis congruit *decori multis artibus* quaesito. Etenim artes, quas in Cynthia sua, ab *illustri avo* (II, 13, 10) prognata (verum puellae ingenuae nomen *Hostiae* fuisse veteres testantur) poeta laudat, ars *cantandi* simulque *carminis pangendi* (I, 2, 27. coll. I, 1, 9 et 3, 19—22), *iucunde et cum gratia loquendi* (I, 2, 29), *saltandi* (II, 3, 17), *texendi* (I, 3, 41), artes igitur illae, quas ipsa *Venus* quasque *Minerva* probare dicuntur (I, 2, 30), *decus* efficiebant, quod sane forma maius esset, et cui *color* parum apte adiungeretur. Non recte Lachmannus post Bentleium (ad Horat. IV Od. 13, 17) comparavit Terentianum illud (Eunuch. II,

3, 26): *Quid tua istaec? Nova figura oris. Papae. Color verus, corpus solidum et succi plenum.* Quo in loco color nec distinguitur a forma, neque ei antepositur, sed, tamquam species generi, subiicitur. Quamobrem scribendum puto:

Ingenuus CALOR, et multis decus artibus cet.
eodem sensu, quo Propertius *verum calorem* dixit III, 8, 9:

Nimirum veri dantur mihi signa caloris:

Nam sine amore gravi femina nulla dolet.

Ita *calorem* etiam alibi simpliciter posuit de amore: I, 12, 17. II, 15, 35. *Ingenuum amorem*, sed alio sensu, dixit Horatius I Od. 27, 16.

Lib. I. Eleg. V.

Obiurgatur hoc carmine Gallus, qui sive invidia et aemulatione ductus, sive ut Propertium calumniaretur, Cynthiae amorem appetebat, cui ferendo, propter mores puellae, sat cognitos poetae, ne par quidem erat. Solebat enim illa exacuere superbia et exacerbare amorem. Quae sententia ipso carminis initio expressa est:

V. 1 — 8.

Invide, tu tandem voces compeſce moleſtas,

Et ſine nos curſu, quo ſumus, ire pares.

Quid tibi vis, inſane? meos ſentire furores?

Infelix, properas ultima noſſe mala,

Et miſer ignotos veſtigia ferre per ignes,

Et bibere e tota toxica Theſſalia.

Non eſt illa vagis ſimilis, collata, puellis;

Molliter irasſci non ſolet illa TIBI.

Meos amores v. 3 recte explicant vehementes amoris cruciatus, quos ego ſentio, ut I, 6, 23 *noſtros labores*, et apud Callimachum epigr. XXXII, 1 ἢ ῥὰ σε δαίμων Οὐμὸς ἔχει; quod Valckenarius illustravit in Callimacheis p. 23. Sed Lachmannus nuper rediit ad Hemſterhuſii correctionem: *MEAE ſentire furores*, iram Cynthiae ſignificari ratus. Iam ſi loquendi uſum ſpectamus, pronomen *meae* ſimpliciter ſic poni nemo dubitet, ut *tua* ap. Horat. I Od. 15, 22. τὴν ἐμὴν Ariſtaenet. I, 1. p. 6: at *furoris* vocabulum ſolemne eſt Propertio de vehementi amore, ut I, 13, 20. I, 4, 11, numquam ab eo dictum de ira.

Sin sententiam respicimus, non videtur poeta tam inurbane egisse, cum Cynthia sua, docta moribusque culta et venusta puella, ei ut *furoribus* obiiceret, quos cum *ultimis malis* et *Theffalicis* adeo *toxicis* compararet. Quae quidem omnia quam bene cadant in amoris aerumnas et cruciatus, quos ipse sentiret, nemo non videt. Et concinunt, quae paullo post (v. 21. 22) leguntur:

Nec iam pallorem totiens mirabere nostrum,

Aut cur sim toto corpore nullus ego.

His argumentis, pro vulgata lectione allatis, facile cedit illud, quo Lachmannus eam impugnavit. Nam quae de *suis* furoribus poeta dixisse censeatur, ea locum ait esse habitura, si post versum 9 legerentur. Ibi enim de curis et miseriis amoris dicit: nunc ex Lachmanni sententia de ira puellae; unde illae enascantur. Sed quum miseriis toties sensisset furore correptus poeta, naturae convenienter fecit, quod eas prius, quam illarum causam, commemoravit: nobis autem non ita facere licet, ut in dialecticum quemdam ordinem poetarum carmina cogamus.

Sed de ira puellae quae poeta addit v. 8, ut Gallum a proposito deterret, vix recte se habent. *Molliter irasci non solet illa tibi.* Sic omnes codices. At Gallus nondum expertus erat amorem Cynthiae: cavere sibi, a superba illius ira poeta eum iubet. Quapropter *non solet* — *tibi* inepte positum est. Praestaret:

Molliter irasci non solet illa mihi:

id quod Gallo aemulo affirmare Propertius poterat, suo graviter edoctus exemplo. Quod quum acute vidisset Scaliger, correctorem nescio quem codicis Cuiaciani sequutus, reposuit:

Molliter irasci non sciet illa tibi,

referens ad futurum tempus, quod de praeterito ac praesente dici non poterat. Et persuasit hanc correctionem Broukhuisio, Vulpio, Burmanno, qui certatim eam receperunt. Passeratius autem *tibi* redundare (*παράλλειν*) vel ad ornatum poni censebat: quam rationem, alienam ab hoc loco, miror etiam Barthio et Germanico interpreti, Vossio nostro, placuisse. Lachmannus ingeniose emendavit, ac more suo etiam in textum admisit:

Molliter irasci non solet illa: time.

Nobis lenior videtur et ad mores puellae *universe* notandos accommodatior haec correctio:

Molliter irasci non solet illa vixis.

Haec universe dicta mox apte transfert ad Gallam:

Quod si forte tuis non est contraria votis,

At tibi curarum millia quanta dabit!

Hanc enim veram esse lectionem, non quam alii probarunt, *aufis* — *nostris* vel *vestris*, dubitari non potest. Pulcre tum congruunt quae sequuntur:

V. 11 — 12.

Non tibi iam somnos, non illa relinquet ocellos:

Illa feros animis alligat una viros.

Sed quid hoc est: *ocellos non relinquet*? Nam de puella, quae irata unguibus petat et radat oculos amatoris, quis intelligat? Videtur tamen ita intellexisse Vossius:

Nicht wird jene dir Schlaf, nicht wird sie dir lassen die Augen;

Männer von trotzigem Muth bindet ins Joch sie allein.

Alii explicant: „nocturnam tibi quietem adimet, oculosque ipsos vigiliis et lacrimis tibi corrumpet.“ Sed *non relinquere oculos* neutiquam est *corrumpere*: nec quicquam additum est, quod vigilias et lacrimas supplere nos iubeat. Alii sic interpretantur: „Denunciat poeta aemulo: stabit semper tibi Cynthia ante oculos, nec te relinquet, tam irata, quam votis tuis non contraria, sive somnum captes, sive vigiles. Per *ocellos* vigilantem de die indicat, ut per *somnos* dormientem.“ At quis umquam hoc sensu dixit *oculos non relinquere*? Aut quis *somno* opposuit *oculos*, ut vigilantem significaret? Frustra proferunt locos, dicendi ratione prorsus diversos, velut IV, 1, 143:

Illius arbitrio noctem lucemque videbis,

aut I, 8, 44:

Sive dies seu nox venerit, illa mea est.

Ne hoc urgeam, quod aemulo, quem poeta paullo ante *invidi* (v. 1), *infani* (v. 3), *miseri* (v. 5) nominibus notarat, cuius *voces molestas* compesci voluerat (v. 1), nunc repente blando vocabulo *ocelli* tribuuntur. Quod vocabulum puellae potius conveniebat, ut I, 1, 1. Itaque scribendum arbitror:

Non tibi iam somnos nox ulla relinquet: ocellis

Illa feros animis alligat una viros.

Nox somnum non affert, quae tota insomnis peragitur: somnum non re-

linquit, ubi ne decedente quidem nocte sopor fessum occupat. Nec temere, opinor, ocelli puellae et virorum feri animi sibi opponuntur. Probabilior certe videtur coniectura iis, quae adhuc in medium allatae sunt. Nam quod coniecerunt,


Non tibi iam somnos irata relinquet ocellis,

aut

Non tibi iam somnus noctu inclinabit ocellos,

utrumque, etiam si Gallo ocellos non invidemus, tamen, sicut recte iudicavit Burmannus, a vestigiis receptae lectionis nimium recedit.

Sed mittamus haec levia, ut gravem proludendi haec occasionem commemoremus. Quamquam eam in ipsa fronte libelli iam indicavimus. Nam quum rursus solemnia instent, ex instituto Lynckeriano in memoriam Augustanae Confessionis rite peragenda: iterum nobis in publicum producendus est vir clarissimus et doctissimus, CAROLVS LVDOVICVS VILIBALDVS GRIMMIVS, Ienensis, Philosophiae Doctor et Theologiae Baccalaureus, idem ille, quem ante hoc ipsum biennium, quum beneficii Lynckeriani legi orator satisfaceret, eadem in causa commendavimus. Coepit ille ex hoc tempore tum scriptis in lucem editis ita inclarescere, tum scholis habendis de academia nostra tam bene mereri, ut noya iam non indigeat commendatione, qui in exsequendo eo, quod Lynckerus instituit, sua sibi virtute et laude audientiam facturus sit. Itaque moris magis et officii quam necessitatis causa hoc agimus, ut vos, PRORECTOR ACADEMIAE MAGNIFICE, CVRATOR ILLUSTRISIME, PROFESSORES AC DOCTORES CELEBRARIMI, et quicumque rebus academicis adestis ac favetis, ad orationem audiendam invitemus, qua GRIMMIVS, prorogati sibi memor beneficii, *de Ioannis Staupitii in sacrorum Christianorum institutionem meritis* die xxx Maii hora xi in templo Paullino exponet. Haud vulgaris est dicendi materies, scite delecta ab eo, qui theologiae studium cum litterarum antiquarum elegantia semper coniunxit: a quo quum digna cultis auribus expectanda sit argumenti compositio, tractatio, eloquutio, ne vos quidem committetis, HYMANISSIMI COMMILITONES, ut soli parietes templi audisse oratorem dicantur.



Lp 45.235
Propertii aliquot locorum familiari
Widener Library 004720386



3 2044 085 225 597